



**DIPARTAMENTU DI SIRVISUS DI DIZENVOLVIMENTU
DIVIZON DI AUTISMU**

40 Broad Street, 4th Floor, Boston, MA 02109

MENSÁJEN PA FAMÍLIAS DI KRIANSAS KU AUTISMU

Un mensájen Inportanti pa Famílias di Massachusetts

Ku Mininus Ki Ten Ménus di 10 anu

Ki Atxádu ku Transtornu di Espetru di Autismu

Piriudu ki Kandidatura ta sta Abertu, di 17 di Outubru di 2025 pa 31 di Outubru di 2025

Divizon di Autismu di Dipartamentu di Servisus di Dizenvolvimentu (DDS) ta adiministra Programa di Izénson pa Kriansas ku Autismu ta oferesi intervencion individual pa djuda kriansas ku autismu ki teni problemas grávis di konportamentu, sosial y di komunikason através di un servisu ki txoma **Abilitason Spandídu, Idukason** (servisus y poiús intensívu na kaza). Kel servisu li ta kontisi na kaza di kriansa ou na ôtus ambientis natural, ku supervizon di un pesual klíniku trenádu y sta disponível pa un total di tres anu. Programa tanbé ta oferesi sirvisus di apoíu rilasonadu ku atividadis di integrason kumunitariu, trenamentu di família y diskansu. Na fin di tres anu di servisu intensívu, kriansa podi ben ten asésu a sirvisus konplimentaris di akordu ku si nisisidadi y ajuda na prusesu di tranzision di parti intensívu di Programa di Izénson pa Kriansas ku Autismu ti 10 anu di idadi.

Elijibilidadi: É nisisáriu kês sigintis rikizitus li pa partisipa na es programa di izénson li:

1. Kriansa ten ki teni **diagnóstiku konfirmádu** di Transtornu di Espetru Autista, kapás di ser verifikádu pa Dipartamentu di Servisus di Dizenvolvimentu.
2. Kriansa ki inda ka konplêta 10 anu. Kriansas ki teni ti 9 anu podi partisipa.
3. Kriansa ki móra ta na Massachusetts.
4. Kriansa ki sta di akordu ku nível izijídu pa servisus na Instituison di Kuidadus Intermédiu pa algen ku Difisênsia Intelektual (ICF/ID) di akordu ku avaliason di DIPARTAMENTU DI SERVISUS DI DIZENVOLVIMENTU.
5. Família ta disidi si kriansa ta resebi sirvisus na kaza y na kumunidadi.
6. Kriansa débi podi ser atendidu ku siguransa na kumunidadi.
7. Kriansa débi ten un riprizentanti legal responsável y kapás di diriji servisus y apoia prugamas.
8. Kriansa ten ki ser atxádu pa ajénsia MassHealth pa podi ser elijível a kubertura di Padrón MassHealth, di akordu ku rendimentu di família. **Pa famílias ki inda ka inskrevi na MassHealth, débi fazê-l na mumentu di prinxi Formuláriu di Kandidatura a Programa di Izénson pa Kriansas ku Autismu.** (Instruson sobri modi ki bu inskrevi na MassHealth sta na prósimu pájina)

Tudu servisus ta izíji ki kriansa kontinua ta kunpri rikizitus di elijibilidadi finanséru y klíniku pa Programa di Izénson pa Kriansas ku Autismu através di sê-s inskrison.

Programa di Izénson pa Kriansas ku Autismu ta kontinua ta djuda kriansas ku transtornu di espetru di autismu ki sta di akordu ku kritérius di elijibilidadi, ti ki es fazi 10 anu. Nêš mumentu li, Programa di Izénson pa Kriansas ku Autismu podi txiga aprosimadamenti 500 kriansas pa anu. Programa ta guarda un kapasidadi Rizervadu (50 vágas pa kada stadu) pa kriansas ku 3 anu di idadi y ki sta sai di Intervenson Prikósi. Ten un altu táxa di rotatividadi na prugrama tudu anu; nton, nu ta ben uza es lista di Kandidatura Abertu pa prinxi vágas ki sta disponível. Divizon di Autismu sta oferesi opurtunidadi di inskrevi na vágas atual através periudu di inskrison ki sta abertu. Divizon di Autismu fazi si último pididu na Outubru di 2024.

Piriudu di Pididu di 2025 ta bai di dia 17 di Outubru di 2025 pa dia 31 di Outubru di 2025. Pur favor, sertifika ma bu manda *Pididu di Inskrison* pa KUREIU, pa E-MAIL ou prinxi-I ONLINE entri 17 di Outubru a 31 di Outubru di 2025. Divizon di Autismu KA ta ben aseita pididus intregadu na mô. Si bu manda pididu durante último periodu ki stába abertu na Outubru di 2024, BU TEN KI TORNA MANDA OTU PIDIDU PA 2025.

Modi ki bu ta Partisipa na Prusésu Kandidatura:

1. Ranja un kópia di *Formuláriu di Kandidatura*

- a. Pur favor, kontákta bu Sentru di Apoiu pa Autismu lokal (na anékisu) pa bu pidi *Formuláriu di Kandidatura*.
- b. Sentru di Apoiu pa Autismu sta disponível pa djuda-u konplêta formuláriu.
- c. Tudú formuláriu tanbé sta postádu na pájina di DDS www.mass.gov/DDS na “Servisus di Izénson pa Autismu” (‘DDS Autism Waiver Services’).
- d. SÓ UN KANDIDATURA PA KRIANSA - Divizon di Autismu ta ben diskarta formulárius ripitidu

2. Konplêta *Formuláriu di Kandidatura*. Bu ta ben mesti:

- a. dáta di nasimentu di mininu
- b. númeru di siguransa sosial di mininu
- c. númeru di identifikason MassHealth di mininu

3. Manda *Formuláriu di Kandidatura*:

a. Pa Kureiu

- i. Tudú kandidatura débi ten karinbu postal ou dáta di karinbu ti dia 31 di Outubru di 2025
- ii. Pur favor, prinxi formuláriu ku Kaneta y Inprimi di forma Kláru
- iii. Pur favor manda formuláriu pa: (*Divizon di Autismu ka ta aseita formulárius ki intregadu na mô*)
DEPARTMENT OF DEVELOPMENTAL SERVICES
AUTISM DIVISION
ATTN: Children’s Autism Waiver Program Open Request
40 Broad Street, 4th Floor
Boston, MA 02109

b. Pa E-mail

- i. Tudú inskrison ten ki ser mandádu pa AutismDivision@mass.gov
- ii. Tudú inskrison ten ki ser mandádu Só direktamenti através di Pâis/Inkaregadás di Idukason
- iii. Tudú inskrison ten ki ser mandádu entri 17 di Outubru di 2025 – 31 di Outubru di 2025
- iv. Formuláriu podi ser prinxidu di forma iletróniku ou ser inprimidu, prinxidu ku kaneta di forma klaru, skaniadu y mandadu pa e-mail
- v. Formulárius anekisadus podi ser mandadu di kês sigintis formas li: PDF (di prifirensia), JPG si sta da pa odja di forma kláru
- vi. Si foi prinxidu na un móvel /tablet - baixa un aplikativu di skânia di grása y manda através di un arkivu PDF.

c. Prinxidu Online

- i. Inskrison podi ser fêtu uzandu kel siginti link li: [Interesi na Pididu di Inskrison Abertu AWP 2025](#)
- ii. Inskrison podi ser fêtu através di leitura di kódigu QR:



- iii. Tudú inskrison ten ki ser fêtu online entri dia 17 di Outubru di 2025 ti dia 31 di Outubru di 2025

É prioridadi di Divizon di Autismu di DDS ta garanti ki pruséu di pididu di partisipason na Programa di Izénson pa Kriansas ku Autismu sta totalmenti asesível pa famílias y kriansas ku autismu ki é di orijen Linguístiku y kultural diversu. Material sta disponível na Árabi, Xinés (Mandarin & Kantonês), Kriolu di Haiti, Kriolu di Kabu Verdi, Fransés, Purtugés (Europeu y Brazileru), Spanhol, Turku, Vietinamita, Nepalés y Somali.

Traduson y Interpretason ta oferesedu pa tudu partisipantis sen kualker kustu.

Modi ku bu ta kandidáta a MassHealth? Bu podi kandidáta a MassHealth através di un di kês formas li:

- Si bu ten un konta, entra na mahealthconnector.org y inskrevi na MassHealth
- Si bu ka ten un konta, manêra más rápidu é inskrevi online ou kria un konta siguru online na mahealthconnector.org.
- Prinxi y sina [Formuláriu di Massachusetts pa Pididu pa Kubertura di Saudi Odontológiku y Ajuda pa Pága Kustus](#) y manda pa kuréiu pa:
Health Insurance Processing Center
P.O. Box 4405
Taunton, MA 02780
ou Fáks pa 1-857-323-8300
- Txoma pa Sentru di Atendimentu di Klienti di MassHealth pa tilifoni 1-800-841-2900 (TTY: 1-800-497-4648 pa algen surdu, ku difisênsia na obi y na papia) ou 1-877-MA ENROLL (877-623-6765).

Pa más informason sobri Programa di Izénson pa Autismu, entra en kontáktu ku Sentru di Apoiu pa Autismu lokal (informason sta di baxu) ou pa e-mail AutismDivision@mass.gov ou txoma pa Divizon di Autismu di DDS pa númeru di tilifoni 617-624-7778.

<https://www.mass.gov/dds-childrens-autism-waiver-service-program-overview>

Oésti di Massachusetts

Autism Connections, a Program of ServiceNet

11 Village Hill Road
Northampton, MA 01060 | (413) 585-8010

Massachusetts Sentral

Autism Resource Center, A Program of Advocates

712 Plantation Street
Worcester, MA 01605 | 508-835-4278

Mêtru na Oésti di Boston

Autism Alliance, A Program of Advocates

1881 Worcester Rd, # 100A
Framingham, MA 01701 | 508-652-9900

Grandi Boston

Vinfen

1208A VFW Parkway
West Roxbury, MA 02132 | 617-206-5038

Kondádu di Norfolk

Lifeworks: The Family Autism Center

789 Clapboardtree Street
Westwood, MA 02090 | 781-762-4001

Sudoésti di Massachusetts

Community Autism Resources (CAR)

40-A Dean St,
Taunton, MA 02780 | 508-379-0371

Nordésti di Massachusetts

Northeast ARC (NEARC) The Autism Support Center

100 Independence Way-Suite D3
Danvers, MA 01923 | 978-777-9135